

**"Қазақстан Республикасының Премьер-Министрі Кеңсесінің мәселелері" туралы
Қазақстан Республикасы Үкіметінің 2002 жылғы 11 қыркүйектегі № 993 қаулысына
өзгерістер мен толықтыру енгізу туралы**

Қазақстан Республикасы Үкіметінің 2012 жылғы 28 желтоқсандағы № 1732 Қаулысы

Қазақстан Республикасының Үкіметі **ҚАУЛЫ ЕТЕДІ:**

1. «Қазақстан Республикасының Премьер-Министрі Кеңсесінің мәселелері» туралы
Қазақстан Республикасы Үкіметінің 2002 жылғы 11 қыркүйектегі № 993 қаулысына (Қазақстан Республикасының ПҰАЖ-ы, 2002 ж., № 29, 327-құжат) мынадай өзгерістер мен толықтыру енгізілсін:

2-тармақтың 2) тармақшасы алып тасталсын;
көрсетілген қаулымен бекітілген Қазақстан Республикасы Премьер-Министрінің Кеңсесі туралы ережеде:

3,4 және 5-тармақтар мынадай редакцияда жазылсын:

«3. Кеңсе мемлекеттік мекеме ұйымдық-құқықтық нысанындағы заңды тұлға болып табылады, оның мемлекеттік тілде өз атауы жазылған мөрлері мен мөртаңбалары, белгіленген үлгідегі бланкілері, сондай-ақ заңнамаға сәйкес қазынашылық органдарында шоттары, оның ішінде валюталық шоттары болады.

Кеңсе азаматтық-құқықтық қатынастарға өз атынан түседі.

Егер Кеңсеге заңнамаға сәйкес уәкілеттік берілсе, ол мемлекеттің атынан азаматтық-құқықтық қатынастардың тарабы болуға құқығы бар.

4. Кеңсе өз құзыретіндегі мәселелер бойынша заңнамада белгіленген тәртіппен Кеңсе Басшысының бұйрықтарымен және Қазақстан Республикасының заңнамасында көзделген Кеңсенің басқа да актілерімен ресімделетін шешімдер қабылдайды.

5. Кеңсенің құрылымы мен штат санының лимиті қолданыстағы заңнамаға сәйкес бекітіледі. » ;

9-тармақ мынадай редакцияда жазылсын:

«9. Кеңсенің қызметін қаржыландыру тек республикалық бюджеттен жүзеге асырылады .

Кеңсеге кәсіпкерлік субъектілерімен Кеңсенің функциялары болып табылатын міндеттерді орындау тұрғысында шарттық қатынастарға түсуге тыйым салынады.

Егер Кеңсеге заңнамалық актілермен кіріс әкелетін қызметті жүзеге асыру құқығы берілсе, онда мұндай қызметтен алынған кірістер мемлекеттік бюджеттің кірісіне аударылады . » ;

2-бөлімнің тақырыбы мынадай редакцияда жазылсын:

«2. Кеңсенің миссиясы, негізгі міндеттері, функциялары, құқықтары мен міндеттері

»

;

10-тармақ 10-1-тармақ деп есептелсін;
мынадай мазмұндағы 10-тармақпен толықтырылсын:

«10. Кеңсенің миссиясы: Қазақстан Республикасының Премьер-Министрі мен Үкіметінің қызметін ақпараттық-талдау және ұйымдық-құқықтық қамтамасыз ету, сондай-ақ мемлекеттік құпияларды қорғау саласында бірыңғай саясатты жүзеге асыру.»

;

5-бөлім мынадай редакцияда жазылсын:

«5. Кеңсені қайта ұйымдастыру және тарату

21. Кеңсені қайта ұйымдастыру және тарату Қазақстан Республикасының заңнамасына сәйкес жүзеге асырылады.

Кеңсенің қарауындағы ұйымдардың тізбесі

1. «Ақпаратты техникалық қорғау орталығы» мемлекеттік мекемесі.

2. «Қазақстан Республикасының мемлекеттік фельдъегерлік қызметі» республикалық мемлекеттік мекемесі.

3. «Алмас» республикалық мемлекеттік қазыналық кәсіпорны.

4. «Ақпараттық қауіпсіздік саласында мамандар даярлау және олардың біліктілігін арттыру орталығы» мемлекеттік мекемесі.

5. «Назарбаев орталығы» көп функциялы ғылыми-талдамалық және гуманитарлық-ағартушылық мемлекеттік мекемесі.».

2. Осы қаулы қол қойылған күнінен бастап қолданысқа енгізіледі.

Қазақстан Республикасының
Премьер-Министрі *С. Ахметов*